



Sarajevo, 26.10.2018.

700.000 KM za društvene biznise mladih od vodećeg impakt investitora u BiH

Za sve mlade koji žele pokrenuti društveni biznis ili svoj startup pretvoriti u društveni tj. impakt biznis, Fondacija Mozaik je pravi partner!

Fondacija Mozaik, vodeći impakt investitor u BiH i regionu, je ovog mjeseca pokrenula kampanju za registraciju i pokretanje društvenog biznisa sa do sad najvećim godišnjim fondom za investicije u mlade i njihove ideje, u iznosu od **700.000 KM!**

Investicije su namijenjene svim mladima od 18 do 35 godina iz BiH, kojima treba **ozbiljna investicija i mentorska podrška**. Za sredstva mogu aplicirati ukoliko imaju zrelu, testiranu ideju za društveni biznis, ali još uvijek nisu ostvarili prvu prodaju ili su je ostvarili a potrebna im je investicija za registraciju d.o.o.. Aplicirati mogu i oni koji već imaju registrovan biznis do pet uposlenih i promet do 50.000 KM godišnje, a žele iskoristiti ovu priliku da svoj biznis pretvore u društveni (impakt) biznis. Detaljna uputstva i uslove možete pročitati u LONCU na ovom linku: [Investicija za registraciju i pokretanje društvenog biznisa](#).

Iako se radi o velikom fondu i ozbiljnom novcu, Mozaik je **puno više od investitora** jer mladim poduzetnicima i poduzetnicama pored **maksimalno do 40.000 KM u novcu**, nudi i **do 20.000 KM u mentorskoj podršci!** Sa partnerskom bankom na samom početku mogu aplicirati za kredit bez kolaterala za još dodatnih do 20.000 KM.

Bitno je napomenuti da će društveni biznisi koji se pokrenu u suvlasništvu s Mozaikom više od pola svog profita nakon poreza na dobit usmjeriti u rješavanje određenog društvenog problema u zajednici.

Više od 200 mladih ljudi iz 50 mjesta širom BiH je odlučilo da svoju biznis ideju testiraju upravo u Mozaikovom Impakt inkubatoru. Njih 11 je već registrovano nakon testiranja na tržištu, drugi su u procesu registracije. Proizvode nekih od ovih biznisa mogu se pronaći na policama vodećih prodajnih lanaca širom BiH.

Jedan od primjera je uspješni društveni biznis „Igraj, uči, rasti“ čiji direktor Armin Maglić je u svojoj [priči o uspjehu](#) rekao: „Fondacija Mozaik je dala priliku mladima koji dolaze iz malih sredina, kao što je naša, što je za svaku pohvalu i jako ohrabrujuće. Kreirali su takvo okruženje gdje svoju ideju možeš razviti i testirati uz jako malo potrebnih resursa i bez prvobitne registracije firme.“

Više o tome šta je društveni biznis možete pročitati u ovom [članku](#).

Rok za prijavu je 08.11.2018. godine, a prvi korak za prijavu je registracija u [LONCU](#), gdje se nalaze sve potrebne informacije.

Link za prijavu: <https://www.lonac.pro/investicija-za-registraciju-i-pokretanje-drustvenog-biznisa>

Dodatni materijali: Vizuali u prilogu

Za više informacija o samoj kampanji, kontaktirajte Belmu Agić, direktoricu marketinga na e-mail belma.a@mozaik.ba ili broj telefona 061 201 050.